



APROBACIÓN DA ORDENANZA FISCAL POLO APROVEITAMENTO ESPECIAL DO DOMINIO PÚBLICO LOCAL DAS INSTALACIÓNS DE TRANSPORTE DE ENERXÍA ELECTRICA, GAS, AUGA, E HIDROCARBUROS.

Trámite previo. - Consulta pública

De conformidade co establecido no artigo 133 da Lei 39/2015 de 1 de outubro de procedimemento administrativo común, con carácter previo á elaboración do proxecto de ordenanza, sustanciárase unha consulta pública, mediante o portal web da Administración competente, de conformidade co artigo 133 referido.

Xa que se trata neste caso de aprobación dunha ordenanza fiscal, seguiranse os específicos trámites que impon a Lei de Facendas Locais.

A Lei de Facendas Locais (Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais) e dentro da capacidade tributaria dos concellos, fundada na Autonomía Constitucional que lles outorga o art. 140 da CE establece a posibilidade dos concellos, de forma xenérica, de establecer taxas á ocupación do dominio público local (artigo 20 e seguintes do TRLHL.)

No presente caso, e en virtude da potestade regulamentaria das Entidades locais, preténdese crear un corpo normativo que regule axeitadamente, mediante Ordenanza Fiscal, o establecemento dunha taxa polo APROVEITAMENTO ESPECIAL DO DOMINIO PÚBLICO LOCAL DAS INSTALACIONES DE TRANSPORTE DE ENERXÍA ELÉCTRICA, GAS, AUGA, E HIDROCARBUROS neste término municipal.

1.- Xustificación da ordenanza: O acordo de establecemento desta taxa adoptárase á vista dun informe técnico - económico no que se porá de manifesto o valor de mercado, o método de cálculo, así como parámetros previstos no mesmo, foi convalidado polo Tribunal Supremo mediante múltiples sentenzas citándose, ó efecto, a n.º 2708/2016 [Recurso de Casación 1117/2016]; n.º 2726/2016 [Recurso de Casación 436/2016]; n.º 49/2017 [Recurso de Casación 1473/2016], n.º 489/2017 [Recurso de Casación 1238/2016], n.º 292/2019 [Recurso de Casación núm. 1086/2017], n.º 308/19 [Recurso de Casación 1193/2017], n.º 1649/2020 [Recurso de Casación 3508/2019], n.º 1659/2020 [Recurso de Casación





3099/2019], n.º 1783/2020 [Recurso de Casación 3939/2019] e n.º 275/2021 [Recurso de Casación 1986/2019]. Finalmente as ditadas por outros Tribunais Superiores de Xustiza (TSJ) durante os anos 2017, 2018, 2019, 2020 e 2021. Tanto o Tribunal Supremo como os diferentes TSJ deron plena validez ás Ordenanzas Fiscais que, de forma voluntaria, poden aprobar os concellos afectados por liñas de transporte de enerxía eléctrica, auga, gas, hidrocarburos e similares, sempre que se ocupen ou empreguen nos seus aproveitamentos terreos de dominio público municipal.

Ademais de todo o exposto, recentemente produciuse un novo pronunciamento do Tribunal Supremo declarando suficiente motivado Informe técnico - económico en canto á determinación do módulo básico de repercusión do solo (MBR) e do módulo básico de construción (MBC) se efectúan por remisión á Orde EHA / 3188/2006, de 11 de outubro, modificada pola Orde EHA / 2816/2008 e na Ponencia de Valores (Sentencia núm. 1501/2020, de 12 de novembro de 2020).

Posteriormente, a Sala do Contencioso Administrativo do Tribunal Supremo pronunciouse sobre a necesidade de ter en conta, á hora de fixar o tipo de gravame, a intensidade do uso do dominio público [Sentencia núm. 1659/2020; Sentencia núm. 1707/2020; Sentencia núm. 1681/2020; Sentencia núm. 1702/2020; Sentencia núm. 1682/2020; Sentencia núm. 1738/2020; Sentencia núm. 1759/2020 e Sentencia núm. 1783/2020].

Prevese implantar no exercicio 2022, como norma local, a Ordenanza Fiscal reguladora da Taxa polo aproveitamento especial do dominio público local.

2.- Denominación: ORDENANZA FISCAL REGULADORA DA TAXA POLO APROVEITAMENTO ESPECIAL DO DOMINIO PÚBLICO LOCAL por parte de instalacións de transporte de enerxía eléctrica, gas, auga, e hidrocarburos.

3.- Posta en marcha das taxas: Dacordo coa lexislación en vigor, a existencia de taxas a empresas que aproveiten o dominio público local en beneficio propio, requiren da aprobación dunha ordenanza fiscal polo concello, xunto cun informe técnico - económico que prevé o artigo 25 da citada norma.

4.- Obxectivo: Grabar o aproveitamento especial do dominio público local no seu solo, subsolo e voo, con:





a) Instalacións de transporte de enerxía con todos os seus elementos indispensables que ós meros efectos enunciativos se definen como caixas de amarre, torres metálicas, transformadores, instalacións ou liñas propias de transporte ou distribución de enerxía eléctrica, gas, auga ou outros subministros enerxéticos, instalacións de bombeo e outros elementos análogos que teñan que ver coa enerxía e que constitúan aproveitamentos ou utilizacións do dominio público local non recollidos neste apartado.

b) Instalacións de transporte de gas, auga, hidrocarburos e similares.

Afectación, ésta, pola que o concello non está percibindo contraprestación en detrimento do interese público.

5. Suxeito pasivo e obrigado tributario: Dacordo coa legalidade vixente, resultan ser as empresas que realizan un aproveitamento especial do dominio público local con instalacións de transporte de enerxía, auga, gas, hidrocarburos e as tarifas que deben pagar veñen dadas na ordenanza que aprobo o pleno municipal de conformidade co establecido nos trámites regulamentarios previstos nos artigos 15 e seguintes do Texto refundido da lei de facendas locais.

Faise público no portal web de transparencia deste concello por prazo de 15 días a fin de dar audiencia xeral.

Barreiros, 4 de novembro de 2021.

A ALCALDESA

